

**Sporazumne strane:**

**Ministarstvo pravde i uprave Kantona Sarajevo** sa sjedištem u Sarajevu, ulica Reisa Džemaludina Čauševića 1, koje zastupa ministrica Darja Softić Kadenić (u daljem tekstu: davalac sredstava) i

**Odbor državne službe za žalbe Federacije BiH**, sa sjedištem u Sarajevu, ulica Hamdije Čemerlića 2, kojeg zastupa predsjedavajući Odbora Pero Matijević, (u daljem tekstu: korisnik sredstava) zaključuju

**SPORAZUM**

**o međusobnim pravima i obavezama u implementaciji Zakona o državnoj službi u  
Kantonu Sarajevo u budžetskoj 2023. godini**

I

Ovim sporazumom se utvrđuju prava i obaveze davaoca sredstava i korisnika sredstava u budžetskoj 2023. godini, radi obavljanja poslova utvrđenih članom 69., a u vezi sa članom 8. Zakona o državnoj službi u Kantonu Sarajevo ("Službene novine Kantona Sarajevo" br. 31/16 i 45/19).

II

Davalac sredstava će za navedene poslove u 2023. godini doznačiti sredstva u visini od 30.000,00 KM (tridesethiljada KM). Navedena sredstva biće utrošena za jačanje materijalnih i ljudskih kapaciteta radi blagovremenog i efikasnog obavljanja povjerenih poslova za organe državne službe sa teritorije Kantona Sarajevo, te radi sufinansiranja sudskih troškova proizašlih iz sudskih sporova gdje su kao tuženi označeni organi državne službe sa teritorije Kantona Sarajevo i Odbor državne službe za žalbe.

III

Obavezuje se primalac sredstava, da u toku 2023. godine, u drugom stepenu odlučuje o svim žalbama koje se izjave na rješenja rukovodilaca organa državne službe, gradonačelnika, odnosno načelnika i o žalbama na odluke Disciplinske komisije, u skladu sa zakonom, podzakonskim propisima, općim aktima i kolektivnim ugovorom.

IV

Primalac sredstava će podnijeti izvještaj davaocu sredstava o utrošenim sredstvima u 2023. godini do 15.03.2024. godine, po predaji godišnjeg obračuna, s tim da ostatak doznačenih a neutrošenih sredstava po ovom Sporazumu, ostaje u rezervama Federacije BiH koja pokriva nastale troškove proizašle iz sudskih postupaka gdje su kao tuženi označeni organi državne službe sa teritorije Kantona Sarajevo i Odbor državne službe za žalbe.

V

Ovaj sporazum stupa na snagu danom potpisivanja.

ZA KORISNIKA SREDSTAVA  
PREDSJEDAVAJUĆI ODBORA  
DRŽAVNE SLUŽBE ZA ŽALBE

Pero

Broj: 0111-234/23  
Sarajevo, 25.09.2023. godine

